

آبونه شير اعلیٰ

داخلی، خارجی هریر ایچون
سنه لکی (۲۵۰)، آاقی آیلنی
(۱۳۰) غروشدر .

[نسخه سی ۵ فروش ،
سنه لکی ۵۲ نسخه در .]
اداره خانه

باب عالی جاده سنده دائرة مخصوصه
اخطارات

آبونه بدلی پشیندر

مسالکه موافق آثار مع المنونیه
قبول اولنور . درج ابدله بن
یازیلر اعاده اولونماز .

الکتاب

دینی، فلسفی، علمی، ادبی هفته لقی مجموعه اسلامیه در

والله یهدی من یشاء الی صراط مستقیم
باش محرر محمد عاکف
صاحب و مدیر مسئول اشرف ادیب

اتبعون اهدکم سبیل الرشاد

عدد : ۳۸۳

۱۵ ربیع الاول ۱۳۳۷

پنجشنبه

۱۹ کانون اول ۱۳۳۴

جلد ۱۵

عقل سلیم اربابی فارماصون اوله ییلیرمی ؟

— ۵ —

فارماصونلر رزات باری

اولا فارماصونلغك فارماصونلرجه نصل اكلاهیلدیغنه عطف نظر ایدم . بر مورخ اولدینی کی بر فارماصون اولان (هازی مارتن) فارماصونلغ حقیقه بوجه آتی اداره کلام ایتشدی :

« فارماصونلغ بر جمعیت موحددر . هر هانگی دینه تابع افرادی قبول ایتکده در که هپی حریت دینه مبدائی قبول ایتسین . جمعیتك مقصدی عالم انسانیتك خیری و بتون دنیانك ترقیسی در . فارماصونلر بو مقصدك تحقق ایچون چالیشان ذواتدر . فارماصونلغ پروغرامسین « کائناتك مهندس اعظمی » اخراج ایتك بالذات فارماصونلغی ییقمقددر . فقط (هازی مارتن) ك بو سوزلری فارماصونلری بك قیزدیرمش ، « هازی بریسون » پارس لوجه سنده اونك علیهنده « کائناتك مهندس اعظمی طایبق فارماصونلغك برنجی نصیبی اوله جق اولورسه ، حریت وجدانیه ، حریت فکریه تأسس ایدمیه جك دیمکدر » جوابی ویرمشدی . و جواب « تان » غزته سنك ۱۸۶۶ سنه سنك ۱ کانون اول نسخه سنده انتشار ایتشددر . دیگر ایکی فارماصون دها « کوبه ایله ماصصول » عینی مسئله حقیقه « فارما صونلغك بو کی اصولی اولدقدن صکره بر مذهب دینی اوله جی آشکاردر . حالبوکه فارماصونلغك بو کی اصولی یوقدر . بونی ۱۸۶۳ سنه سنده طویلان فارماصون جمعیت عمومیه سنك راپورلرندن اقتباس ایتدیكمز سطرلرده اثبات ایدر . راپور دیورکه :

« فارماصونلغ اسارت دینه دن ، خیالات « وحی » دن ، فرضیات تصوفیه دن قورتولش بر مؤسسه در . فرضیات تصوفیه دن مقصودات اجل واعلا اولدینی ینسه فارماصونلرک مکرراً جنساب واجب الوجود حقیقه « ناقابل تحقیق بر فرضیه در » دیمه لرله ثابتدر .

کورولیورکه ۱۸۶۳ سنه سنده فارماصونلغك جمعیت عمومیه سی ساده ادیان منزله یه ایمانی دکل ، واجب الوجوده ایمانی بیله الغا ایتشددر .

فارماصونلر محرراتلرینی « کائناتك مهندس اعظمی » نامیه یازمقد ایدیلر سده بو ، « غراند اوریانت » ده موجودیت الهیه یی ایما ایدم جك هر درلو اشكال رسمیه نك الفاسی موضوع بحث اولدیغنده فارماصونلرک اکثریتجه شکل مذکورك محافظه سی تحت قراره آلمشدی . بونك نه درجه مرایشانه اولدینی یوقاریده کی ایضاحاتدن اكلاشیلمشددر . مع مافیه بوشكلك محافظه سی مسئله سی ده بك چوق قیل و قال دعوت ایتشددر . مثلاً « موند ماصونیک » غزته سی ۱۸۶۶ سنه سنده هاند

مجموعه سنك ۴۱۲ نجی صحیفه سنده « ۲۶ تشرین ثانیه عقد اولنان اجتماعده ، لوجه لرك مرخصلرندن متشكلك مرکزی لوجه آتیده کی قراری اعلان ایتشددر :

« فارماصونلغ موجودیت الهیه یی تا کید ایتکله مکلف دکلدر . دیمشدی . بونك اوزرینه مسئله تکرار (غراند اوریانت) ده جنرال « میله نیت » ك ریاستی آلتنده بیوك بر اجتماعده « موند ماصونیک » غزته سنك بیاننه کوره مناقشه ایدلمشددر . مذکور غزته دیورکه : « فارماصونلغك الوهیت پرست اولدقلرینی ادعا ایدیورلر . باقلم ماصونلر بونی قبول ایدم جکرمی ؟ مقاصد جه انکی رانه لرینی اعلان ایتدکن صکره بویه برذلتی ارتکاب ایدم جکرمی ؟ »

مسئله بونکله قالمادی . فارماصونلرک جمعیت عمومیه سنده « کائناتك مهندس اعظمی » ترکیبنك محرراتك باشنه وضع ایدلمسنه مخالف اولانلر فارماصونلغك بهمه حال « الله » لفظی تعریف ایتسنی ، یاخود اوندن قطعاً بحث ایتامسنی طلب ایتمش ، فارماصونلغك « الله » لفظی استعمال ، یاخود اوکا ایما ایتکله دینی برمعبده تحول ایدم جکی بیان ایتلشددی . بوکا رغماً اکثریت ینه اوسر لوجه نك قالمسنه طرفدار اولمشدی . مع مافیه فارماصونلغك نه اولدیغنی بیلنلر ایچون بویه بر سرلوجه یه نه احتیاج وار ؟ باقیكمز ، « پرودون » حقیقه سرغاریسون نامنده کی فارماصون نصل اداره کلام ایدیور :

« عصرمزلك اك بیوك متفکرلرندن « پرودون » فارماصون دکلیدی ؟ اوت ، فارماصوندی ، جمله من اوکا دست اخوتی اوزانمش و بزمه برابر چالیش دیمشدك . بونلرک هپی طوغرو . پرودون ، فارماصونلر طرفندن بیوك بر خواهش ایله استقبال اولنمشدی . چونکه پرودون « الله » بتون فناقلرک اصلیدر « کفرینی سویله یین ، جناب حقه نه ایله مدیونز ؟ سؤالنه « حرب ایله » جوابی ویرمکه مجبوراز . طبیعی فارماصونلغ بویه بر آدمه دست اخوتی اوزادیر واونکله تشریک مسامی ایدر ! هله « لیژ » لوجه لرند « الله بغض و نفرت ! » ، « الله حرب ! » دییه باغیران کنجملر فارماصونلغك اك کزیده واک محترم رجالیدر !

کورولیورکه « کائناتك مهندس اعظمی » نامی آلتنده فارماصونلر ادیانی ، ایمانی ، اعتقاداتی احما واستیصال ایتك ایچون چالیشیورلر . بواعترافاتی ده دیکلیلم :

« الله لفظی هیچ برمعنایی افاده ایتمین برکله در » [۱]
« بز ساده ادیانك فوقنده دکل ، جناب حقه هاند هر هانگی ایمانك دخی فوقندیز » [۲]
« آتیق ذیلدرکه جناب حق حقیقه قونوشور و بو کی خیالرله وقت کچیرلر » [۳]

(۱) « موند ماصونیک » غزته سندن

(۲) « لیژ » لوجه سنده بیرد اولنان بیانندن

(۳) « ایس » کتایشندن

ماصونلرک و ماصونلرک بو اعترافات الحاددن سوکره یوقاریده ایراد ایتدیکنمز سؤاله وهدیکمز جواب منفی بزمله برابر عقلی باشنده هر صاحب دینک تکرار ایده جکی یک طبیعیدر .

۶

فارماصونلر راجبیت روح

بر فارماصون غزته سی دیورکه :

«روحک ابدیتی کیم تأکید ایدیه یایر ؟ عصرلردنبری ابدیت روحی اثباته چالیشمالردن هیچ بری موفق اولمامشدر و موفق اولمایه جقدر . چونکه روح بالذات کندی خلق ایتشدر .»
سوکره «سوند ماصونیک» غزته سی ده «ابدیت روح فکری حریت وجدانه بر تجاوزدر» دیور .

باچیقانک غراند اوریانت ، ی ۱۸۳۷ سنه سنده فارماصونلرک بتون نصوص دینیه و فلسفیه دن قورتارلیدی و اصدار ایتدیکی بیاننامه لرده روح والله حقنده سوز کچرسه بونک صرف عنعنه نظامیه ره رعایتدن ایبرو کلدیکنی و هیچ بروقت اعتقاده استناد ایتدیکنی بیان و اعلان ایلشدی .

فارماصونلرجه «آنحوق مجنونلر ، جاهلار و عقلا ضعیف اولانلر الله و ابدیت روحه اعتقاد ایدرلر .» [۴]

اسلامیت و نصرانیت

حرب بیتدی ، متارکه اولدی ؛ صلحه طوغری آدیم آتیورز . هر مملکتده صلح حاضرانی یاییورز . هر ملت ، هر عنصر کندی حق حیاتی اثبات ایچون لندن کافی یایمقدهدر . مظلوملر ، مغدورلر ، ضرر وزیانه اوغرایانلر ، هب حقلری الله ایتک ایچون چالیشیورلر . بو خصوصده کتابلر ، رساله لر ، دوسیه لر ، وثیقه لر حاضر لایمقدهدر . از جمله ایشیدیورز که دیار اجنبیه ده ، اوروپا و آمریقا ده بولنان ارمنیلر مغدوریتلرینه داثر یالکیز انکلیزجه اوله رق طقوز یوز جلد کتاب وجوده کتیرمشلردر . مملکت مزده یشایان روم عنصری ده عینی فکره خدمت ایدیورلر . ائتلاف ممثلری پای تختمزه آباق باصدقدن سوکره اولنره خوش کورو نمک ، کندیلرینی طرفدار کوسترمک ایچون درلو نمایشلر یاییلدی . کیجه لی کوندوزلی ائتلاف بایراقلری (بهرا) نک درو دیوارلرینه آصیلدی . ونیزه لوس رسملری یوکسک قالدیرمک قالدیرملری اوزرینه تشهر ایدلدی . (زیتو) سدالری عیوقه چیقارلدی .

(۴) لوموند ماصونیک

روجه غزته لر تورکک مظلومی صایه صایه ، یازه یازه بر درلو بتیره مدیلر . کون کچمدی که یکی یکی مصنع خرافه لر ، اویدورولش روایات و حکایات روجه غزته ستونلرینی طولدورمش اولمسون . تورکر قاتل ، جانی ، ظالم ، غدار ، وحشی در دییه مثاللر ، نمونه لر ، ارجوفه لر ایجاد ایدلش اولمسون ! بو یازیلرله ، بو بیاناتلر ، بونمایشلرله روملر ارمنیلر کندیلرینی مظلوم ، مغدور و حتی معصوم موقعنده کوسنرمک ایتیورلر . بو عناصر غیر مسامحه یر یوزنده بر جنایت ، بر جرم ، حق بر قباحت ایشله ممش و جمله سی معصوم ایشلر . دیک که تکمیل قباحت ، جنایت ، باربارلق تورکرده ، و مسلمانلرده ایش ! بوسوزلری صیقیللمه دن ، ذره قدر حجاب ایتنه دن روم مبعوثلری سویله دیلر و مجلس مبعوثانک ضبطه ده کچدی . یکی قایینه لرده اعتماد ایتیه دیلر . نیچون ؟ چونکه بوقایینه لر اولنرک فکرینه ، آمانه خدمت ایتیه جکی آکلادیلر .

مع التأسف بزم تور کچه غزته لر مزدن بعضیسی ده اولنرک اتمکینه یاغ سوردی . فقط زوالی تورکاری ، بدبخت و بیکنانه مسلمانلری هیچ بر کیسه مدافعه ایتدی .

حالبوکه ارمنیلره ، یاخود روملره ظلم ایدنلر بر فئه قلیه دن عبارت اولوب ، اولنرک ارتکاب ایتدکاری حقسزلقلردن نه بوتون تورکرک ، نده عموم مسلمانلرک مسؤل و لکه دار اولملری جائز دکلدیر .

تورکرک ، مسلمانلرک معصومیتلرینی بوتون بویایغره لره ، افترا لره قارشو ، ادله و براهین تاریخیه و منطقیه ایله اثبات ایتک و تورکیا خرسیتیانلرینک ده - مظلوم اولسه لر بیله - پکده بری الذمه و معصوم اولدقلرینی اوروپا و آمریقا افکار عمومیه سنه آکلاتمی احباب ایدرکه بوسورتله مملکت مزده کی غیر مسلمانلر ایلروده (متکام و حده) کسایلمسونلر . تورکرک مسلمان اولاق حیثیه یله هیچ بر آن وزمانده ، تحت تابعیتلرنده بولوب ، دولت اسلامیه خراجگذار اولان رعیه قارشو ظلم و جفا ایتامشلردر . بو کیفیت یالکیز بزم دکل ، اجنیلرک بیله یازدقلری تاریخلرله ثابتدر .

ارمنیلره ، روملره بالخاصه حرب اثناسنده نیچون ظلم ایدلدی ؟ حربدن اول نیچون بویله بر حال وقوع بولممشیدی ؟ اسبابی نه ایدی ؟ عجبا بو خصوصده کی اسباب و عوامل لایقیله تدقیق ایدیلدی ؟ ارمنیلر ، روملر حقیقه معصومیدرلر ؟ بر قباحت ، خیانت ایشلر مدیلر می ؟ خاقان مغفور (عبدالحید خان ثانی) زمان سلطنتنده کی ارمنیلرک تشبثاتی اونودلایمی ؟ بومظالمه عجبا بوتون تورکرکی اشتراک ایتدی ؟ یوقسه بر زمره می ؟ ارمنیلر فصل ؟ اولنرک چته لر ، قومیته لر یالکیز میدی ؟ یاخود بوتون ارمنیلرده می شرکت ایتشلردی ؟ روملرک اسباب تهجیری نه ایدی ؟ حقیقه بونلر دولته ، حکومته صادق ایدیلر ؟ تا بدایت مشروطیتدن بری روملر عجبا (مهغالو ایدا) فکرینی تعقیب ایتیورلر میدی ؟